

# AD QVODLIBETARIAM,

339

## QVÆSTIO MEDICA,

Matutinis exagitanda disputationibus, die Iouis 28. Nouemb. In scholis Medicorum Paris. Præsiede  
M. Henrico Monantholio, Doctore Medico, & collegij professorum Regionum decano.

*An omnium corporis partium conspiratio?*

**H**OMO animal temperatissimum, morbis tamen maximè obnoxium, sic à Natura microcosmi instar institutus, vt vtrò citròque partes aliæ aliarum auxiliis, dandi & accipiendi iuuentur vicissitudine, & iniuriis communibus afficiantur, quarum tres nobilissimæ summo consensu inter se deuinctæ, principia sunt trium facultatum corpus totum gubernantium, quæ omnes ab anima potius quàm à natura ortus initium ducentes, nec mutua ope carere, nec separatim consistere possunt.

**N**ATURA & generatione primum, facultatis naturalis (cuius solius auxilio foetus plantæ similis viuit) origo, & omnium humorum vnicus opifex, necessarii spiritus naturalis auctor, & venarum initium, vt à ventre & toto interdum trahit, ita in ventrem & in totum per communes meatus, non simul, sed alternatim sanguinem, commodum omnium partium alimentum, transmittit; qui cum iustam mediocritatem sortitus est, vt valetudinem efficit firmiorem, ita, cum quantitate copiosior, plethoram; cum paucior, atrophiam; cum qualitate deterior, hydropem (cuius quatuor species) toti corpori accersit, cerebròque & cordi non leuem noxam infert.

**C**OR, quo nulla corporis pars magis calet, vitæ, quam omnibus largitur, & spiritus vitalis, qui à naturali suæ generationis materiam accipit, fons, vt arteriarum motus omnes remissos & concitatos gignens, sua diastole & systole (quæ in ipso & arteriis simul fiunt) inspirabile vndique & expirabile, cerebro & hepati, vt perficiant suas actiones, ita subuenit, vt si concidat ipsius facultas, cæteras collabi & torrere necesse sit.

**C**EREBRVM frigidissimum, mentis & intelligentiæ, temperiem elementorum non sequentis, domicilium, sensus & motum, demisso cum facultate per nervos, quos de se creat, spiritu, partibus conferens, cor imprimis data respiratione, quæ actio est facultatis animalis, cum ad caloris cõtemperationem, tum ad fuliginosorum excrementorum exclusionem iuuat: ab ipso autem, vt ad omnes subiectas partes, ita, à subiectis omnibus partibus ad ipsum per venas, arterias, aut nervos plurima fit confluxio, vnde maxima morborum pars existit.

**E**ODEM modo ventriculus, chylosi, elixationi similis, officina, per œsophagum deglutiedo & vomendo, deglutitionis potius quàm vomitionis instrumētum, trahit & excernit: pulmo à corde, cui aërem inspiratum per vas vnum tribuit, sanguinem per alterum recipit; arteriæ à venis, venæ ab arteriis per oscula aliquid assumunt, totumque corpus per cæcos cutis meatus ambientem aërem admittens, per eodem se expurgat, & aliæ partes in alias sua onera deponunt.

*Ergo omnium corporis partium conspiratio.*

PROPVGNABIT IACOBVS LETVS SCOTVS ABERDONENSIS, Anno Domini 1602.

DOCTORES DISPUTAVRI.

M. Ioannes le Mercier.  
M. Michaël Tournain.  
M. Stephanus Gorjon.

M. Gulielmus Lescailion.  
M. Nicolaus labor.  
M. Anthonius de Cappe Med. Reg.

M. Georgius Cornuty.  
M. Ioannes le Moyne.  
M. Claudius Boyuin.

